

Cas di Cultura ta mira un partner solido den Teather Advies BV



Actualmente Cas di Cultura mester recauda un fondo di 150 mil florin pa traha e Master Plan aki. Cu e plan aki nan lo percura pa tin acceso na e fondonan necesario pa e renobacion completo di Cas di Cultura.

"Sin un vision, sin mustra hende kico bo kier, unda bo kier bay, bo no por haya e

simpatia y e financiamiento tampoco pa esaki", directora di Cas di Cultura a declara na Bon Dia Aruba.

Inversion

For di aña 1958 cu Cas di Cultura a wordo construi nos poblacion a wordo redobla. Nan ta confronta frustracion di nan clientenan y publico

en general pa e mal estado di nan instalacion. Pero e tipo di inversion aki pa drecha e infraestructura di Cas di Cultura ta exigi un suma grandi.

"E ta un operacion caro... tin demasiado aspecto cu no ta sinta bon mas", Sra. Arens a bisa.

E plan ta uno ambicioso pa Cas di Cultura y te hasta tin

pensa di amplia cu un balcon mas considerando cu tin persona cu tin cu cumpra varios sala pasobra nan produccion ta carga hopi publico. Tin mas deseo pero pa yega di sa kico precies nan kier, Teather Advies BV ta conta cu un team di experto cardinal cu Cas di Cultura mester pa e Master Plan. □

ORANJESTAD – Cas di Cultura ta trahando arduamente pa logra un acuerdo cu un compania cu lo bira un partner strategico cu lo yuda e fundacion aki pa garantisar existencia di nos teatro nacional.

Pues e drechamento cu ta tumando luga riba e fachada di Cas di Cultura no tin di haber unicamente cu problema di beton cu tabata cay birando un peligro pa hende. Pero di otro banda nan ta desaroyando un plan pa traha cu un compania na Hulanda bou e nomber Teather Advies BV pa cu e formulacion di un Master Plan nobo pa Cas di Cultura.

E compania Teather Advies BV ta regarda construccion di teatro y tecnica nan specialisa di e mundo aki. Nan ta un compania reconoci mundialmente y nan a yega di gana premionan di arkitektura pa construccion di teatro. "Nan ta un partner hopi solido pa nos haci e proyecto aki cu nan", el a bisa.

Fondo y Master Plan

Nan ta den pleno campaña pa recauda fondo pa e Master Plan, pasobra no solamente nan tin e parti di drechamento di e beton den fachada, pero nan facilidad tambe ta den mal estado.